



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Allocutiones Sacræ, S^vp^r Evangelia Dominicarvm totius
anni**

Jahoda, Johann

Pragæ, [ca. 1659]

Dominica XVII. post Pentec: Solus Deus ac genuinum amoris objectum.

[urn:nbn:de:hbz:466:1-51496](#)

DOMINICA XVII. POST PENTECOSTEN.
**Solus Deus verum ac genuinum amoris
 objectum.**

Diliges Dominum Deum. Mat:22.



Chrys. in Psal. 41. *U*manos inter affectus qui principem amori locum dedere, experti mihi videntur, quod ait Chrysostomus, ardentem esse naturam dilectionis. Ut enim ignis celari non potest, ita quis bene celet amorem? Ceteros ferè affectus, ut odium, iram, tristitiam, metum, facile est intra peccatoris continere septa, ut qui angustius, quam spatiösius habitare malint: at quanto his angustiora sunt vasa carnis, tanto magis dilatantur spatia charitatis: unum cor amori parvum nimis hospitium est; sensus ille omnes ac membra pervadit, in oculis sedet, in auribus pervigilat, in olfactu lateat, in lingua discurrit, in labijs renidet, in brachijs sudat, in pedibus volat, in pulmonibus spirat, in visceribus calet, (hinc illa phrasis: *diligo te ex totis visceribus*) in arterijs palpitat, in medullis quieticit; verbo totum hominem reddit ὄλονάρδιον. Hinc quidam apud Smetium, ut proderet quo fuisset affectu, sepulchro suo inscribi voluit: ὄλονάρδιος, id est, *merum cor*. Quod æmulatus videtur, qui capsulae, ubi Francisci I. Galliarum Regis cor reconditum fuerat, adscripsit epigraphen: *totius hic Franciscus*. O λονάρδιος nos hodie universos cupit æterna Sapientia, dum

monet, imò mandat: *diliges Dominum Deum tuum ex toto corde tuo, & ex tota mente tua, & ex omnibus viribus ac visceribus tuis*. Quem solum esse verum ac genuinum amoris objectum præsentis probabo dictione.

Communiter Ethici ac Philosophi objectum amoris assignat *bonum* ut sic: amor enim, ut definit Aristoteles, aliud nihil est, quam *volitio boni*; & bonum vicissim, *id quod omnia appetunt*. Plato: *bonum*, inquit, *est, quod sibi ipsi satis est*. Diogenes: *quod natura sua est absolum*. Piccolominus: *perfectio nata* Piccolomini: *experi*. Et hoc rursus in duplex subdividatur; in *verum*, & *apparens* duntur. *Verum* nuncupant, quod non alterius, sed sui ipsius gratia est appetibile: *apparens*, quod non natura sua, sed *hominum non recta opinione est tale*. E quibus definitionibus quae evidentior inferri potest consequentia, quam: ergo solus Deus super omnia amandus est? Quis enim natura sua tam absolutus, ac ille? quis sibi ipsi tam sufficiens, ac ille? quis ita perfectus ac ille? quis tam propter se appetibilis atque ille? Bona est lux; nam *vidit Deus lucem*, Gen. 1. quod esset bona: bona est terra, bona aquarum congregations, bona Cœli astræ, bona animantes, bona volatilia; denique omnia quae fecit Deus valde bona sunt: verumtamen D. Augustino teste:

Qq.

Arist. lib...
Ethic.

Aug. l. 13. teste, in comparatione Dei, nec pulchra
Confess. sunt, nec bona sunt, immo nec sunt. Ipsa

Christi Humanitas, in quam desiderant
 Angeli proficere bona audire noluit; sed epitheton istud soli divinitati de-
 beri docuit, cum adolescenti illi dixit:

nemo bonus nisi filius Deus; quasi dixis-

Aug. lib. 3. set, ut interpretatur Augustinus: qua-
 cont. Ma- do me nihil aliud quam hominem putas,
 ximin. c. 23 quid me dicis bonum? Non te facit bo-
 num, nec beatum, nisi bonum immutabile,
 quod solus est Deus. At at

Credimus, an qui amant ipsi sibi non
 tam somma, quam bona fingunt? Fingunt
 profecto non pauci, qui cum Mi-
 cha illo Deos sibi nescio quos faciunt;

illud enim cuig, Deus, quod maximè colit,

Iudic. 18. ait noster Cornelius. Veteres Aegyptij
 boves, seles, & cepas pro dijs habebant: Romani pellices & scorta pro deabus'. In Italia vir opibus pollens fuit, qui e-
 quum suum ita armabat, ut ei agrotanti
 aureum cubile fieri jusserit, ac cervical
 sericum substraverit. Cumque
 ipse podagrā vinclitus detineretur, quot-
 diebus tamen, primarios urbis Medi-
 cos advocans, ad equum vilendum pro-
 reptabat, ei assidebat, palpabat, nihilque ad pellendum morbum intentatum
 relinquebat: majorem denique
 equi, quam animæ propriæ curam ges-
 sit, ac mortuum longè magis luxit,
 quam filium; imitatus in eo spurcissi-
 mum Caligulam, de quo ista scribuntur:
 unum ex equis suis, quem velocissi-
 mum appellabat, invitabat ad canam, ita

ut ei hordem ex auro apposceret, funde-
 retq; vinum in poculis aureis, ac per salu-
 tem ejus & fortunam juraret, scq; eum
 Consulē facturum polliceretur. Hie-

remias Drexelius feminæ meminit, Drex. pr.
 quæ selem in tantis habebat amoribus, dr. mort.
 ut moriens ei pro honesta sustentatio-
 ne ac mensa quingentos philippeos te-
 stamento legaret. Demetrius Anti-
 goni filius præ nimio scorti cuiusdam
 amore decubuit. Illum cum subinde
 Rex Pater inviseret, ante cubiculi fores
 scortum reperit; tum ingressus bono
 ægrum animo esse jubet, quod remis-
 sior venarum & arteriarum motus esse
 videretur. Fatente Demetrio se me-
 liuscule habere, subridens Pater; ita est,
 inquit, ego eam pro foribus cubiculi inre-
 mi. Xenophon Cliniam puerum ita
 deperibat, ut, cum ab ejus oculis abef-
 set, continuò lacrymaretur; protesta-
 turque, si ea Jovis foret voluntas, ut
 oculis captus solum Cliniam cerneret,
 & ad reliqua cæcutiret; vel reliqua o-
 mnia videret, Cliniam autem intueri
 non posset, malle se solius Cliniae aspe-
 ctu pasci. O amorem verè cæcum!
 Hinc bene de talibus cecinit ille:

Omnis amans cæcus, non est amor ar- Meürer.
 biter equis, Meteorol.

Nam deforme pecus judicat esse
 decius.

Quisquis amat ranam, ranam putat
 esse Dianam,

Quisquis amat servam, servam putat
 esse Minervam.

Vulgò quidam dicitur amor, ea quæ
 pulchra non invenit, pulchra facere:
 sic mulier aliqua, cuius maritus Galli-
 co morbo mirè defædatus erat, jurabat
 anhelitum illius videri sibi svavissimū,
 quem alij intolerabilem affirmabant:
 sed enim pulchritudo illa ac bonum
 nonne

Dio Nic.

Cic. in pa- nōnne mērē imaginariū est ac phan-
taſticū? Præclare M. Tullius: non
radox. ſunt bona illa diocenda, quibus abundantem
licet eſſe miſerrimum: Et rurſum: bona
l.5. Tuſc. qq. non ſunt, quæ quis habeat, & miſerrimus
eſſe poſſit. Quis amabō illo miſerior,
qui cor ſuum aliqui creature nimirū
affixit? Nam, ut veriſſime Comicus:

Plant. in Amorem hunc cuncta vitia ſectari
Mercat. ſolent,
Cura, egritudo, nimiaq; eleganția.
Inſomnia, erumna, error, terror, &
fuga,
Ineptia, ſtultitiaq; adeo & temeri-
tas,
Incogitania excors, immoderatio,
Petulantia, cupiditas, & malevo-
lentia,
Inhāres aviditas, deſdia, injuria,
Inopia, contumelia, & diſpendium.

Eadem paulo clariſſ recentior ſpirituſ
Barry ſolit: Magiſter ita exaggeſat: "an non eſt eſ-
hagioph. „ ſe mancipium viñclumq; ſemper men-
dies diff. „ tem habere uni creature obnoxiam? matut. „ ad illam noctu diuque anhelare? iſt „ desiderijs indormire? ſaþe noctem „ inſomnem ducere? ſi præſens adſit, „ jam deſeri non poteſt; deſigi in illam „ obtutus debent, tangere opus eſt, ma- „ num apprehendere, teſtificari, quod il- „ lam amemus. Si evigilamus, prima „ animo occurrit; ſi dormimus, ejus ima- „ go ſomniabitibus obijicitur. An non „ iſta inſolens quædam ſervitus eſt? Et „ quidem idolorum ſervitus; quidquid enim præter Deum diligitor, idolum eſt. Hinc idola noſtra appellare ſole- mus, quæcumque præter Deum etiam ſine gravi ejus offenſa diligimus, ut lo-

quitur nonnemo*. Quod porro tor- * Pint. Ra-
mentum gravius eſſe poſteſt, ac quando mirez, in-
divelli oportet? Hic audire eſt neſcio Apoc. ep.
qua lamenta, & ululatus; & ſi quæras:
quid tibi viſ? cur clamas? Õ infane a- Indic. 18.
mator; reſpondebit cum ſupradicto 24.
Micha: Deos meos, quos mihi feci, tu-
liftis, & omnia qua habeo, & dicitis: quid
tibi eſt? Fuit, qui amasæ defunctæ ima- V. Zehent.
giuem pro altari ſuspendit, eamque ut in promont:
Deam quotidie adoravit, donec do- mala ſpei l.
re contabefceret. Nōnne hoc era- 2: §. 3.
abominationem ſtare in loco ſancto, uti
ſtet Adonidis ſtata in loco Christi
Nativitatis, & ſtata Veneris in loco
Crucifixionis? Cor noſtrum veri D E I
Reſidentia eſt, illud ſibi ſpecialiter ſa-
cravit ac dedit, ille eſt ei optabilis lo- Rupert. I. 6.
cus, ut loquitur Rupertus: quanta de victor.
proinde indignitas, quantum nefas & verbi c. 25.
ſacrilegium cenſeri debet, tam turpia
idola & imagines ibi hospitari! O ſi
amorem iſturn, quo creatureſ tam per-
ditè amamus, in earum creatorem
transferremus, quām beatī, quām feli-
ces eſſemus! expertus enim poſteſt cre-
dere, quid ſit Deum diligere. Interro-
gabat alicubi locorum diſcipulos ſuos
& literarum & virtutum diligens Pa-
dagogus, ut ſi fata illis ſuo liceret com- Rho var.
ponere arbitrio, quam quisque ſortiri biſt. I. I. C. I.
vellet vita conditionem, libere profi-
teretur. Primus regium ſe optare
fastigium dixit, nullā quidem ambi-
tione, ſed ut quām plurimos poſlet
juvare. Alter Imperatoriaſ artes
fortunamque, quō barbaros Ecclesiæ
hostes bello contunderet, ac ſub juga-
mitteret. Edvardus quidam Angliſ,
ubi ad eūm dicendi vices tueret delatae:

Q q 2 ego

ego verò, inquit, quam maximè Deum amantis sorte unice me beatum existimarem. Quare quacunq; deum vñ & conditio pluribus amato Deo obsequis præstandis est opportunior, ea mihi præ omnibus arridet. Rectissimè tu sapuisti ô Adolescens, meritoque tibi palma pro tam docto responso debetur. Legeras forte illud D. Augustini : quan-

*Aug. Me-
dit. c. 31.*

quam hac infima habent suas delectationes, suos q; amores : non tamen tali modo delectant, sicut tu Deus noster. Tui enim amor svavis est & quietus : nam pectora, quæ possides, dulcedine & svavitate reples. Et contrà amor seculi, & carnis anxius est, & perturbatus : animas certè, quas ingreditur, quietas esse non patitur. Semper enim suspicionibus, & perturbationibus, varijsq; timoribus solicitat eas. Tu itaq; es delectatio pectorum, & merito. Qui intrat in te bone Domine, intrat in gaudium Domini sui. Ita intravit B. Catharina Genuensis, cui semel gustatus Deus adeo sapuit, ut tota in ipsum amando transformata videri potuerit. Cor ejus tanto ardebat calore, ut vix manu contingi valeret, & subinde tantopere æstuavit, ut si æstus ille ad biduum durasset, calorem naturalem extinxisset. Horrebat dicere verbum hoc *Ego & Me* : cumque illud interdum cogeretur pronunciare, simul intra se loquens, & seipsum quasi corrigens, dicebat : *meum me, meum ego est Deus*. Didicerat hoc ab ipso Spiritu Sancto, qui ei svaserat, ut has tres sibi præfigeret regulas : primam, ut nunquam diceret, *volo, vel nolo*; secundam, ut nunquam haberet in ore *meum, vel nostrum*; ter-

tiam, ut nunquam se excusaret, sed semper accusaret. Præterea, ut pro se acciperet quasi tesseram & fundatum vitæ spiritualis, ex Pater nostro, F I A T ; ex Ave Maria, JE SVS ; à scriptura sacra verbum A M O R.

Intravit S. Philippus Neri, cui unum pectus amando Deo non sufficit, ut necesse fuerit illud ampliari ; legitur enim de illo : *charitate Dei vulneratus languebat jugiter, tantoq; cor ejus ejus vita, æstuabat ardore, vt cum inter fines suos contineri non posset, illius finum confractis, atq; elatis duabus costulis, mirabiliter Dominus ampliaverit*. Intravit Beatus Stanislaus Kostka, cuius item pectus frigidâ attemperari oportuit, ne omnino combureretur : ita divino amore ardebat.

Baccius in
& Brev.
Rom. 26.
May.

Quàm præclarè dixit Gregorius Nazianzenus, debere nos toties Dei meminisse, quoties respiramus ! Quæ enim dulcior recordatio, quàm Dei ? Quid tam volupe ac Deum semper in mente & in ore habere ? Dicat S. Franciscus Seraphicus, quàm jucundum illi hoc fuerit exercitium, cum totis noctibus satis ingeminare non poterat : *Deus mens, & omnia*.

Dicat S. Franciscus Xaverius, qualen habuerit salivam, dum ex longo ad Deum suspirandi usu, etiam dormiens in has voces erumpet : *ô bone IESV ! IESV creator mi ! Deus cordis moi, & vita animæ mea !* Dicat Franciscus Binantus Ordinis Minimorum, qui eadem verba, semper in ore habebat; subindeque ingenti suspirio edito millies repetit : *ô bone Deus !* Dicat Jacobus Cerrutus Societatis J E S V, qui quotidie millies

in

in'D E V M novâ semper amoris pennâ ferebatur. Dicat Didacus Martinez , ejusdem Societatis, qui præter decem orationis horas in dies singulos eliciebat , cum summa diligentia ad calculum quater mille actus amoris D E I . Dicat Franciscus Svarez , vir undequaque Doctissimus , (qui ut Augustinus de Varrone ait : *tam multa legit , ut ei* scribere vacâsse miremur , *tam multa* Aug. de Ci- *scriptis , quâm multa vix quemquam lege-*
rit. l. 6. c. 2. *re potuisse credamus ,) dicat , inquam ,* quomodo ei inter tot lucubrationes sapuerit Deus , à quibus (præter prolixas aliquot horarum preces) centum amoris actibus in eum quotidie abstrahebatur. Dicat denique , ut sexcentos alios præteream , B. Maria Oegnia-

censis , quæ per diem centies mille genuflexionibus , in divinæ bonitatis abyssum sese demittebat. Fuerat superiore seculo erectum in Urbe sodalitum *Divini amoris*. O si omnes ex hoc sodalitio essemus ! ô si vel primis labris gustaremus , & videre mus (quod Regius Propheta clamat) quâm *svavis* ; quâm dulcis , quâm melleus , quâm sapidus , quâm bonus sit *Dominus* ; profectò nemo nostrum esset , qui non usq; ad ultimum halitum cum Ursulina Virgine Victoria occineret : *O Deus !*

O IESV ! mi dulcis amor , nil diligo
præte ;
Tu Sponsus meus ; mens mea spon-
sa tua est.



DOMI-